



Javno preduzeće "Grijanje" d.o.o. Zenica, Bilimšće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu članova 70. i 71. Zakona o javnim nabavkama („Službeni glasnik BiH“ broj 39/14, 59/22 i 50/24), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: /26 od 04.08.2026. godine, Uprava Javnog preduzeća „Grijanje“ d.o.o. Zenica, donosi:

O D L U K U **o izboru najpovoljnijeg ponuđača**

I

„HIFA-PETROL“ d.o.o. Sarajevo, Hotonj bb, 71320 Vogošća, bira se za najpovoljnijeg ponuđača u postupku nabavke roba – **Goriva** putem otvorenog postupka, Obavještenje o nabavci sa portala javnih nabavki broj: 1091-1-1-140-3-23/26 od 01.07.2026. godine.

II

Odabrani ponuđač iz tačke I. ove odluke, dužan je dostaviti dokaze o ispunjavanju uslova lične sposobnosti iz tačke 3.1. Tenderske dokumentacije u roku od **5 (pet) dana** od dana prijema ove odluke.

Nakon ispunjenja uslova iz stava 1. ove tačke, odabranom ponuđaču bit će ponuđen Ugovor o nabavci roba – Goriva, a najkasnije u roku od **15 (petnaest) dana** od dana prijema ove odluke.

III

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Dana 01.07.2026.godine, ugovorni organ je sačinio tendersku dokumentaciju broj: 6699/26 za nabavku roba – Goriva, putem otvorenog postupka, procijenjene vrijednosti 80.000,00 KM.

Na osnovu Obavještenja o nabavci broj 1091-1-1-140-3-23/26 od 01.07.2025. godine, objavljenog na Portalu javnih nabavki ejn.gov.ba, ponudu su blagovremeno dostavila dva ponuđača, i to:

1. **„HIFA-PETROL“ d.o.o. Sarajevo, Hotonj bb, 71320 Vogošća** sa ponuđenom cijenom sa uračunatim popustom od 58.944,40 KM bez PDV-a,
2. **„ALMY“ d.o.o. Zenica, Vrandučka bb, 72000 Zenica** sa ponuđenom cijenom sa uračunatim popustom od 62.514,03 KM bez PDV-a.

U toku pregleda i ocjene pristiglih ponuda, provjerom dostavljene dokumentacije u skladu sa uslovima tenderske dokumentacije, Komisija ugovornog organa je ocijenila da su ponude ponuđača **„HIFA-PETROL“ d.o.o. Sarajevo** i **„ALMY“ d.o.o. Zenica, PRIHVATLJIVE** i da ispunjavaju formalnopravne i tehničke zahtjeve ugovornog organa, te kao takve mogu biti predmet vrednovanja.

Tačkom 4.8. Tenderske dokumentacije predviđen je kriterij za dodjelu ugovora „Ekonomske najpovoljnija ponuda“ sa podkriterijima kako slijedi:

- a) Cijena.....90 %
- b) Operativni trošak (udaljenost pumpne stanice od sjedišta ugovornog organa u kilometrima).....10 %.

Ugovor se dodjeljuje ponuđaču koji je dobio najveći ukupan broj bodova. Bodovi se dodjeljuju u skladu sa sljedećom formulom: $P = C + T$

Pri čemu je:

- P – ukupan broj bodova,
- C – broj bodova za ponuđenu cijenu,
- T – broj bodova za operativni trošak.

Razrada navedenih podkriterija je sljedeća:

1. CIJENA (C)

Maksimalan broj bodova (90) će se dodijeliti ponuđaču koji je ponudio najnižu ukupnu cijenu. Ostali ponuđači će u skladu s tim biti bodovani prema sljedećoj formuli:

$$C = C_n / C_p \times 90$$

Pri čemu je:

- C – broj bodova koje je ponuđač dobio za ponuđenu ukupnu cijenu,
- C_n – najniža ponuđena ukupna cijena,
- C_p – ukupna cijena ponude koja se ocjenjuje (boduje),
- 90 – maksimalan broj bodova koji je dodjeljen ponuđaču koji je ponudio najnižu ukupnu cijenu.

2. OPERATIVNI TROŠAK (T)

Maksimalan broj bodova (10) će se dodijeliti ponuđaču čija je pumpna stanica za preuzimanje roba koje su predmet nabavke udaljena **maksimalno 10 (deset) kilometara** od sjedišta ugovornog organa.

Ponuđačima kod kojih je udaljenost pumpne stanice preko 10 (deset) kilometara od sjedišta ugovornog organa dodijelit će se 1 (jedan) bod.

U slučaju da dvije ili više ponuda nakon izvršenog bodovanja po postavljenim kriterijima imaju isti ukupan broj bodova, prednost će se dati ponudi koja ima nižu cijenu od svih ponuda koje imaju isti ukupan broj bodova.

Ponuđač „HIFA-PETROL“ d.o.o. Sarajevo dostavio je ponudu kako slijedi:

a) **Cijena s popustom = 58.944,40 KM bez PDV-a**

$$C = 58.944,40 / 58.944,40 \times 90 = 1 \times 90 = 90 \text{ bodova}$$

b) **Operativni trošak (udaljenost pumpne stanice od sjedišta ugovornog organa u kilometrima) = 3,8 kilometara**

$$T = 3,8 \text{ km} - 10 \text{ bodova}$$

$$P = 90 + 10 = 100 \text{ bodova}$$

Ponuđač „ALMY“ d.o.o. Zenica dostavio je ponudu kako slijedi:

a) **Cijena sa popustom = 62.514,03 KM bez PDV-a**

$$C = 58.944,40 / 62.514,03 \times 90 = 0,94 \times 90 = 84,86 \text{ bodova}$$

b) **Operativni trošak (udaljenost pumpne stanice od sjedišta ugovornog organa u kilometrima) = 4,8 kilometara**

$$T = 4,8 \text{ km} = 10 \text{ bodova}$$

$$P = 84,86 + 10 = 94,86 \text{ bodova}$$

Nakon vrednovanja ponuda sumiran je prikaz ponuda sa rang listom ponuđača kako slijedi:

RB.	NAZIV I SJEDIŠTE PONUĐAČA	Cijena ponude sa popustom bez PDV-a	Ukupan broj bodova	Rang
-----	---------------------------	-------------------------------------	--------------------	------

1.	„HIFA-PETROL“ d.o.o. Sarajevo, Hotonj bb, 71320 Vogošća	58.944,40 KM	100	1
2.	„ALMY“ d.o.o. Zenica, Vrandučka bb, 72000 Zenica	62.514,03 km	94,86	2

Tenderskom dokumentacijom nije predviđeno provođenje e-aukcije.

Shodno naprijed navedenom, Komisija za nabavke dala je preporuku ugovornom organu da u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača „HIFA-PETROL“ d.o.o. Sarajevo, Hotonj bb, 71320 Vogošća, kao najpovoljnijeg za predmetnu nabavku, te da odabranom ponuđaču ponudi zaključenje ugovora o nabavci roba – Goriva.

Imajući u vidu navedeno, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi BiH u dovoljnom broju primjeraka putem ugovornog organa, lično ili preporučenom poštom, u roku od **10 (deset) dana** od dana prijema iste.



Direktor

Muhammed Pašalić Mr dipl.ing.el.

Broj: 7830/26

Datum: 04.08.2025. godine.

DOSTAVITI:

2x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove